



Nanminiqaqtunun Iglunun Ikajuutit



NUNAVUT HOUSING CORPORATION
LA SOCIÉTÉ D'HABITATION DU NUNAVUT



Nanminiqaqtut Iglumingnik Ikajuutikhat

Kanatami-Nunavumi Igluliqinikut
Ikajuuhiat (CNHB) Nanminiqaqtut
Iglukhanik Ikajuqtikhat
Kanatami Akiliktuijutinik
Iglunikluniit (CMHC) Nunavumi
Igluliqijirjuakkut (NHC) havaakhat.
Tunihivaktut tatqirhiutimi
ikajuutikhamik pijaaqtunun
nanminiqaqtunun iglunik,
ikajuriami akituvallaarutainnun
aulapkainikkut
nanminirijamingnik
iglunik pihimajaanginnilu
aularaanginnaqtunik iglukhanik.

Ikajuutikhat

Ikajuutikhat tunihivaktut \$600 atauhirmi tatqiqhiunmi ikajuutikhamik ilaungittut pittaagtunut igluqaqtup taksijautinut akiliuhiakhainut. Atauhiinnaq ikajuutikhaq piinnarialik tamainnut pittaagtunut najugaanut.

Humi Pihungujut

Tamna ikajuutikhaq havaktauniaqtuq talvuuna maniqarvingnun iliugaqtauhimajuq talvunga Kanaitian maniliqivingmun maniqarvianun atiani nanminiqaqtunik iglungnik iliqatigiikhimajumikluuniit maniqarvingnun. Atauhiinnaq uuktuqtuq piniaqtuq tatqirhiutimi ikajuutikhamik.

Pittaarninnga

Uukturiami, ihuaqtumik pitaalaqijaami pijakhanun naunaijaqhimajut ataani.

Nunagijaa

Uuktuqtut nunaqaqhimajukhat Nunavunmi attauhirmik ukiumik uuktuqtinatik.

Iglu Iglugilluaqtaa

Uuktuqtut nanminiqaqtukhat imaalu najuqtukhaujutlu aimavingmingni Nunavunmi. Una iglu iglugilluaqtakhaat.

CRA Naunaijaqtauhimajut Maniliurutit

Tamaita uuktuqtut uvalu Uuktuqataujut inmi maniliuqhimajatik naunaijaqtaujukhat hapkunanga Kanatami Taaksiliqijiinin (CRA) kinguliqmin taaksitigut ukiumi. Tamaita attautimun maniliurutit, Titirarviani 15000 atuqtaujuq.

Atuqtitaujuq

Tamaita uuktuqtut ukualu uuktuqataujut atiqatukhat akiliqtukhanun iglu iglugilluaqtaanun. Tamaita atuqtitaujut angiqtukhat kinaujakhat piniaqtuq tatqirhiutimi ikajuutikhamik.

- Atiit tamaini uuktuutini uvalu angirutini aadjikiiktukhat atiunun nunap akiliqtuganun.
- Tamaita titiraqhimajut nunamik atuqtitaunikku uuktuqtukhat uvaluuniin uuktuqataujut.



Anginiqhaq Manikhauhiq (Naunaitkunmi II)

Tamaita Iglumiujut manikhangit mikitqijaujukhat ukunanga Manikhaat Aturiaqaqtut Nanminiq Igluqariagani nunamingni.

Iglumiujut manikhangit tamaita atauttimut manikhangit tamaita uuktuqtut uuktuqataujutlu (tut) atiqagtut atuqtitaujuq. Maniliurutit uniudjutauijut uvani Titirarviani 15000 haffumani CRAMI taaksitigut utirutit atuqtaujuq.


Ihivriurniq

Tamaita angiqtauhimajut uuktuutikhat ihivriutauniaqtut ukiuq tamaat naunairlugit uuktuqtut pittaariakhainnik.

Upautijaangat pigiaqaqtunik atuqtakharnik naunairutiqangituaq maniktaqvikharnik angirutikharnik.

Pilimaittut Uuktuqtut

GN-kuni havaktiit tunijauvaktut, imaaluuniit tunijauttaagtut, taffuminga Nunavunmi Iglumiujut Ikajuuhiakhait



(NHA), pilimaittut taffuminga CNHB Nanminiqagtut Iglumingnik Ikajuutikhat.

Uuktuffaarutit

Uuktuqtut (ngit) uuktuffaariangani maniktaqvikharnik ihumaliurnikkut.

- Uuktuffaarutit pijaujariaqaqtut iluani 30-ni ubluut pijauniganit manikhanik ihumaliurutinik.

Uuktuffaarutit pijutiqaqtut Iglumik Nanminiqagtut Ikajuutunik Ikajuuhianik turaaqtauniaqtut NHC-kunut, ihivriuriagani NHC-kut Kuapariisiujumi Atangujat Kamitiujumit.

Naunaijarningit Manikhaanik

Ukiuq tamaat tutqikhaqhimajut maniliurutait pijariaqaqtut tamainik iglumiujunik ilaujunik atuqtumi.

Maniliurutait titiraqvianit 15000-mit ukunani Kavamatuqatkut taaksit Ikajuutillu Utirutit – T1 atuqtauniaqtuaq naunairiangani tamaita manikhaat ahivaqtautinagu.

Taimaatun CRA (Kanadami Taaksiutigut Havagvia) naunaijangitkumikku uuktuqtuaq maniliurutait kinguani taaksiliqinikkut ukiungani, uuktuqtuaq pilimaittuaq uuminnga CNHB Nanminiqagtunun Iglumingnik Ikajurutikhanik.

Inmikkut-Havaaqaqtut Uuktuqtut

Uqaqatigilugu NHC-kut uvani: homeownership@nunavuthousing.ca.

Naunairutikhangit Nunannga Atuqtitaujuq

**Uuktuqtut titiraqhimangitut
akiliqtugakhani tunijaulimaitut
haffuminga CNHB Nanminiqaqtunun
Iglumingnik Ikajuqtikhat Ikajuutinik.**

Tamaita uuktuqtut atiqagtukhat
nunamik atuqtitaujuq akiliqtuganun
iglu iglugilluaqtainun. Tamaita
atiit atuqtitaujuq akiliqtuganun
uuktuutiniitukhat.

Uuktuqtut tunihijukhat **atauhiq**
hapkunanga;

- Aadjiliuqhimajumik nutaami,
imaaluuniit kinguagut
tatqiqhiutikkut ukiungani,
Nanminirijani Naunaijautikkut
Tuhaqtidjunmik / Akiliqtakhamik
IMAALUUNNIIT
- Aadjiliuqhimajumik nunamik
aturninganut angirutimik

Iglu Iglugilluaqtaa

Iglu iglugilluaqtaa uuktuqtup
iglugilluaqpaktaa. Uuktuqtup imaaluuniit
aippiariiktulluuniit atauhiinnarmik
iglu iglugilluaqtaat, nanminiqarumik
aturninganut akiliqtuutit
amigaitqijainnik atauhirmit iglumik.

Iglu Igluqpagilluaqtaa maliqajakhait
hapkuat qanurinningit:

- Nanminirijaujuq Uuktuqtumin
uvaluuniin atajumik aalanun
Uuktuqtumun(nun) **UVALUUNIIN**
- Atuqtitaujuq maniliurutuijuq
iglugijaujumut (Atajut)

Akiliqtuutit

Atuqtaulirnikhanit akiliqtaulimaitut.

Kinguani tamaita uuktuutit kangiqhidjutit
pijaukpata naunaijaqtauqpatalu,
pijaangnirit ihumaliurutauniaqtut.
Angiqtauhimajut uuktuutit
havaktauniaqtut Ikajuutikkut akiligakhat.

Uuktuqtut kitut initiqhimajut
Akiliqtuqataqaaqtut Manikhaqvianun
(Niuvaavik) titiqat uvalu ilaliutiblugu
Piiqtauhimajut maniliuqhimajut
piniaqtait tatqiqhiut tamaat Ikajuutit
iliugaqtauniaqtut maniliqivingmun.

Uuktuqtut iniqtingitkumikku
Maniqarvikkuuqhimajut (Niuvaivik)
titiraqtakhaq sakhaluqhimajut
tujuqtauhungujut titiqiqivikkut. NHC-
kut munarilimaitait kinguvaktipata
imaaluuniit tamaihimajut manikhat.

Ilaliutihimajut Kangiqhidjutit

Hivajaqlugu

NHC-kut Ataniqarvial - Nanminiqaqtut
Iglumik

Hivajautaa: 844-413-9355 (akiituuq)

Kajumiktukkut: 867-857-4099

homeownership@nunavuthousing.ca

Ilaliutihimajuq I: Naunaitkutit

Uuktuqtuq: Inuk uvaluuniin inuit uuktuqtut manikmik ataani pinahuagutip. Pinahuarutikkut pidjutiqaqtut, NHC-kut ihumagijait Uuktuqtuq(t) ukuallu Uuktuqataujuq(t) aadjikiiktumik munaqhijukhat ihuarnikhanik iniqtiqpiarnikhaniklu uuktuutikhat havaktaunikhanut imaalu tamaita aullaranginaqtut pitqujauhimajut taffumani CNHB Nanminiqaqtut Iglumingnik Ikajuutikhat pinahuaruti.

Uuktuutikhaq: Titiraqtakhaq(t) tujuutauhimajut inungmit ilaujukhamik taffumani CNHB pinahuaruti.

**CRAktut
Ihivriutaujuq:** Maniliuqhimajangit haffumani piliriakhaq tutqikhaqtauniaqtuq ukunangat Kanadami Taaksiutigut Havagvia (CRA). Uuktuqtut ukuallu Uuktuqataujut atiliuqtakhaat tamna CRA Angirutikhaq Titiraqtakhaq. Ukuat CRA naunaijangitkumikkik uuktuqtut maniliuqhimajait kingulirmi taaksiliqinikkut ukiungani, uuktuqtut pilimaittut taffuminga CNHB Nanminiqaqtut Iglumingnik Ikajuutikhanik.

**Maniqarvikkuuqhimajut
Titiraqtakhaq (Niuvvaviit
Titiraqtakhaq):** NHC-kut hanajariaqaqtut Uuktuqtuup Niuviqviujuup akiliqtuqvikhaa akiliqhijaagani tatqiqhiut pidjutikhangit. Una ikajuut iliugaqtauniaqtuq Uuktuqtup maniliqivianun akiliqturvianun

**Nanminiqaqtuq
Iglumik:** Inuk uvaluuniin iglumiugatiigiiktuq maligatigut pidjutiqaqtuq uvalu munaqhijuq iglumik.

**Manikhaanik
Naunaijaqnig:** Maniliurutait naunaiqtaujut atuqhugit Titiraqviani 15000 Kanatami Itkaptaksiliqutit Ikajuuhiallu Utiqtiffaagutit – T1 kingulirmi ukiumi. Uuktuqtunit atiliuqtakhaat hamna CRA Angirutikhaq titiraqtakhaq ukiuq tamaat. .

Atuqtitaujuq: Una nunamik atuqtitaujuq iglugilluaqtamnut. Tamaita atiit atuqtitaujuq akiliqtuganun uuktuutiniitukhat.

**Najugakhaa, Najugaa,
& Upalungaijaut #:**

Hapkua atuqtaujuut naunaijagianganani nanminiq uvani GNkut Nunatigut Taijauniga auladjutaini. Nalvaaqtaugiaqaqtun talvani nunamik akiliktuihimaaqtunik uvanilu nanminigijainik taaksiliqijunik akiliktaujukharnik. Tamaitaungitut nanminiit piqangitut tamainik pingahunik naunaijautinik.

- Nunap Nampaa: Naunaijaqhugit attautit nanminiit Upalungaijautini
- Iglup Nampaa: Atautimiujut amigaitut nunat atautimut
- Upalungaijaut: Iluaniitut Nunat uvalu Najugait nampait uvalu tunihijut naunaitunik kiklikhainik

**Anginiqhaaq
Manikhauhiq:**

takulugu Naunairvik II kingulirmi makpirniani haffuma Maliktakhap..

**Nunavunmi
Iglumiujut
Ikajuuhiakhait (NHA):**

taaksiijautiqaqtuq ikajuuhiakhait pijaaqtunut GN-kuni havaktiinut tunijauvaktut ikajuutikhanik akiliqhitikhanik nanminiqarnikkut iglumik imaaluuniit iglumik aturninganut akiliqtuutainnik Nunavunmi.

Iglu Iglugilluaqtaa:

Pidjutigijaat hivulliq najugaa inuup iglugijaa, iglu uuktuqtup najuqpaktaa. Pijakhait hapkua qanuginiit:

- Iglugijaujuq, atuqtitaujuqluniit nanminik ihumagijaujuq iglugijaujumi (atajunun)
- Uuktuqtut nanminirijait piqutunik avalittumik imaaluuniit aallanun
- Uuktuqtut atauhiinnarmik iglugilluaqtaaqtaait, nanminiqarumik aturninganut akiliqtuuplutikluuniit amigaitqijanik atauhirmit iglumik.

Nunagijaa:

Uuktuqtut ukualu Uuktuqataujut nunaqaqhimajukhat Nunavunmi kingulirni 12ni tatqiqhiutini uuktuqtinagu haffuminga CNHB – Nanminiqagtut Iglumingnik Ikajuutikkut Ikajuutinik.

Apqut Najugaa:

Iglup nampaa iglu iglugiluaqtaa atialu nampaalu apqutip inigijaa.

Havaakhap Atia:

Atuqtukhanik nanmirijait tunihilutik akiliqtuijut (nanminiqagtut) uuminga taijauniga naunaitkutaaluni nanminirijamingnik. Atukaffuktut atiliuqlutik tadjakaffuk akiliqtugakhamik uvalu tunijaulutik aadjiliuqhimajumik. Nunavunmi, tamavjaita akiliqtuqtaujuut 25nik ukiunik. Atuqtitaujuut aadjikkiiktukhatigun atuqtitaujuq uvaluuniit angiqtaujuut Atuqtitaujuut.

Ilaliutinga II – Kiklinga Akiliuhiarutinga

Anginiqhaq manikhaaq una Manikhaat Aturiaqaqtut Nanminik Igluqariagani nunangani uuktuqtup iglu iglugilluaqtaa. Kihiqtitautait atuqhugit imaa:

- *Anginikhaanun Igluqpinikkut Akiit (MCC):* Itqurnarutait akiit igluqpinikkut 1,000 sq. feetnik aktilaanga iglu nunallaami.
- *Qimaavik Akikhait (SC):* Atuinaqtun tatqiqhiutini iglutigut-ilaujut akiligakhat imaa iglutigut akiliqtuutit, qulangnaijautit, auladjutit, uvalu nanminikkut taaksiit.

Attautimun akiit (ilaujut itqungniaqhimajut iglutigut akiit) atuqtaujut ihumaliurutigijaangani mikiniqhaq ukiumi maniliurutait ihariagijaujut pihimalugit hapkua akiit imaa 30% attautimun maniliurutainun.



Manikhaat Aturiaqaqtut Nanminik Igluqariagani:

Qikiqtaaluk

Arctic Bay	\$196,127
Clyde River	\$199,583
Grise Fiord	\$197,037
Igloodik	\$202,419
Iqaluit	\$222,717
Kimmirut	\$214,029
Kinngait	\$195,265
Pangnirtung	\$193,190
Pond Inlet	\$201,527
Qikiqtarjuaq	\$192,970
Resolute Bay	\$202,125
Sanikiluaq	\$206,908
Sanirajak	\$209,005

Kivalliq

Arviat	\$210,654
Baker Lake	\$200,906
Chesterfield Inlet	\$199,775
Coral Harbour	\$196,845
Naujaat	\$204,431
Rankin Inlet	\$210,651
Whale Cove	\$209,472

Kitikmeot

Cambridge Bay	\$200,929
Gjoa Haven	\$199,535
Kugaaruk	\$201,966
Kugluktuk	\$200,489
Taloyoak	\$198,471

Nutaanguqtiqhimajuq: Qiqailruq 28, 2024

